




Broj: 01/3-50-3-3-9/21  
Sarajevo, 4. 1. 2021.



## ZAPISNIK

### 9. sjednice Komisije za vanjsku trgovinu i carine Predstavničkog doma Parlamentarne skupštine BiH, održane 4. 1. 2021.

Sjednicu Komisije za vanjsku trgovinu i carine Predstavničkog doma Parlamentarne skupštine BiH (u daljnjem tekstu: Komisija) sazvao je Dragan Bogdanić, predsjedavajući Komisije.

Sjednica je počela u 11 sati.

Sjednici su prisustvovali: Dragan Bogdanić, Mijo Matanović, Edin Mušić, Zukan Helez i Enver Bijedić.

Sjednici Komisije opravdano nisu prisustvovali: Mirko Šarović, Šemsudin Mehmedović, Nenad Stevandić i Damir Arnaut.

Sjednici su prisustvovala predstavnicu Izvozno-kreditne agencije BiH: Lamija Kozarić-Rahman, direktorica IGA-e, i Mirjana Vučić, predsjednica Upravnog odbora IGA-e.

Sjednici su, također, prisustvovali: Mirjana Crnjak, sekretarka Komisije za vanjsku trgovinu i carine, i Enver Bogučanin iz Odjela za informiranje u Sektoru za odnose s javnošću Parlamentarne skupštine BiH.

Predsjedavajući Komisije Dragan Bogdanić otvorio je 9. sjednicu Komisije i konstatirao da postoji kvorum, jer sjednici prisustvuje pet od ukupno devet članova.

Predsjedavajući Komisije pročitao je predloženi dnevni red 9. sjednice. Budući da nije bilo izmjena ni dopuna dnevnog reda, predsjedavajući Komisije konstatirao je da 9. sjednica ima sljedeći

## DNEVNI RED

1. Usvajanje Zapisnika 8. sjednice Komisije;
2. Razmatranje Izvještaja o radu Upravnog odbora Izvozno-kreditne agencije BiH za 2019. godinu, broj: 01,02-16-1-2278/20 od 25. 11. 2020;
3. Tekuća pitanja.

#### **Ad. 1. Usvajanje Zapisnika 8. sjednice Komisije**

Na Zapisnik 8. sjednice Komisije nije bilo primjedbi te je **jednoglasno** usvojen.

#### **Ad. 2. Razmatranje Izvještaja o radu Upravnog odbora Izvozno-kreditne agencije BiH za 2019. godinu, broj: 01,02-16-1-2278/20 od 25. 11. 2020.**

Predsjedavajući Komisije Dragan Bogdanić podsjetio je članove Komisije da je Upravni odbor Izvozno-kreditne agencije, na osnovu člana 14. stav (3) Zakona o Izvozno- kreditnoj agenciji Bosne i Hercegovine, dostavio 25. 11. 2020. Parlamentarnoj skupštini BiH na razmatranje Izvještaj o poslovanju Upravnog odbora Izvozno-kreditne agencije BiH za 2019. godinu.

Kolegij Predstavničkog doma na 30. sjednici, održanoj 9. 12. 2020, kao nadležnu za razmatranje Izvještaja o radu Upravnog odbora Izvozno-kreditne agencije BiH za 2019. godinu odredio je Komisiju za vanjsku trgovinu i carine.

Zatim je riječ dao predstavnicama Izvozno-kreditne agencije BiH. Mirjana Vučić, predsjednica Upravnog odbora IGA-e, i Lamija Kozarić-Rahman, direktorica IGA-e, ukratko su obrazložile Izvještaj o radu IGA-e, a posebno su govorile o trenutnom stanju u IGA-i naglasivši da je IGA u ovom trenutku blokirana rješenjem o izvršenju i da ne može koristiti sredstva koja ima za operativne troškove niti može platiti pravnog zastupnika za zastupanje, što predstavlja bojazan da se izgube sporovi.

Nakon uvodnog izlaganja predstavnica IGA-e, predsjedavajući je otvorio raspravu. U raspravi su učestvovali: Enver Bijedić, Mijo Matanović, Dragan Bogdanić, Zukan Helez i Edin Mušić.

Nakon rasprave, Komisija je, s četiri glasa „za“, jednim glasom „suzdržan“ i bez glasova „protiv“, usvojila Izvještaj o radu Upravnog odbora Izvozno-kreditne agencije Bosne i Hercegovine za 2019. godinu.

Komisija je jednoglasno usvojila i sljedeći

#### **Z A K L J U Č A K**

Komisija za vanjsku trgovinu i carine predlaže da Predstavnički dom Parlamentarne skupštine BiH zaduži Vijeće ministara BiH da u roku od 30 dana od dana usvajanja ovog zaključka iznađe rješenje za nastavak rada i funkcioniranje Izvozno-kreditne agencije BiH.

Komisija predlaže Predstavničkom domu usvajanje navedenog zaključka.

Komisija nije razmatrala Plan poslovanja IGA-e za 2020. godinu zato što se navedeni plan razmatra u 2021. godini.

### **Ad. 3. Tekuća pitanja**

U okviru ove tačke dnevnog reda nije bilo prijedloga, pa je predsjedavajući Komisije zaključio sjednicu.

Sjednica je završena u 12 sati.

#### **Sekretarka Komisije**

Mirjana Crnjak



#### **Predsjedavajući Komisije**

Dr. Dragan Bogdanić

